



Na osnovu člana 72. stav (1) Zakona o visokom obrazovanju („Službene novine Kantona Sarajevo“, broj: 36/22) - u daljnjem tekstu: Zakon, člana 67. stav (1) Statuta Internacionalnog univerziteta u Sarajevu, a u vezi sa Odlukom Vijeća FBA, broj: IUS-FBA-07-2017/23 i Odlukom o izboru v.d. dekana FBA, broj: IUS-FBA-07-2016/23, Vijeće Fakulteta menadžmenta i javne uprave Internacionalnog univerziteta u Sarajevu *raspisuje*:

K O N K U R S
za izbor dekana Fakulteta menadžmenta i javne uprave
Internacionalnog univerziteta u Sarajevu

Pozicija:

- **Dekan Fakulteta menadžmenta i javne uprave 1 izvršitelj/ica**

Opis poslova:

- Rukovođenje Fakultetom u skladu sa zakonom i statutom;
- Zastupanje i predstavljanje u pravnom prometu organizacione jedinice u skladu sa zakonom, statutom i općim aktima;
- Predlaganje planova rada i razvoja Fakulteta;
- Podnošenje izvještaja o radu Fakulteta za prethodnu studijsku godinu rektoru;
- Donošenje pojedinačnih akata u skladu sa zakonom, Statutom i općim aktima;
- Sazivanje i predsjedavanje sjednicama vijeća Fakulteta;
- Odlučivanje o pravima i obavezama studenata u prvom stepenu i donošenje odluka o istim;
- Predlaganje rektoru unutrašnje organizacije i sistematizacije radnih mjesta na fakultetu;
- Suspendiranje rukovodioca podorganizacione jedinice ili nekog drugog tijela Fakulteta ukoliko isti ne izvršava zakonito i savjesno svoje obaveze definirane zakonom, Statutom ili drugim općim aktom Univerziteta i o tome u roku od sedam dana od dana donošenja odluke obavještava vijeće Fakulteta i rektora;
- Pokretanje postupka odgovornosti programskog koordinatora ili člana akademskog osoblja za počinjene povrede zakona, Statuta ili drugog općeg akta Univerziteta;
- Odgovornost za provođenje odluka, zaključaka i drugih akata nadležnih organa;
- Imenovanje komisija, na prijedlog vijeća, u postupku stjecanja akademske titule i stručnog zvanja bakaleureata i magistra;
- Dostavljanje rektoru zapisnika sa sjednica vijeća Fakulteta;
- Obavljanje drugih poslova utvrđenih zakonom, Statutom i općim aktom Univerziteta.



Pravo prijave na Konkurs imaju članovi/članice akademskog osoblja u zvanju docenta, vanrednog ili redovnog profesora, koji su u radnom odnosu sa punim radnim vremenom na Univerzitetu i da ispunjavaju druge uslove propisane Statutom i Zakonom.

Dekan se bira na mandatni period od četiri (4) godine sa mogućnošću još jednog uzastopnog izbora.

Kandidati/kandidatkinje koji se prijavljuju na Konkurs za izbor dekana dužni su, uz prijavu na Konkurs, priložiti sljedeće dokumente:

- Biografiju/CV;
- Uvjerenje o državljanstvu BiH (ne starije od 6 mjeseci) za kandidate koji su državljani Bosne i Hercegovine ili ovjerenu kopiju prve stranice pasoša za kandidate koji nisu državljani Bosne i Hercegovine;
- Odluku o posljednjem izboru u zvanje; i
- Uvjerenje o radnom odnosu sa punim radnim vremenom na Univerzitetu.

Uz navedenu dokumentaciju kandidati/kandidatkinje koji se prijavljuju na Konkurs za izbor dekana dužni su dostaviti plan i viziju razvoja Fakulteta, za mandatni period, u pisanoj formi.

Dokumenti se dostavljaju u originalu ili kopiji.

Konkurs ostaje otvoren osam (8) dana od dana objavljivanja.

Konkursna dokumentacija se neće vraćati.

Prijave sa potrebnim dokumentima i naznakom „PRIJAVA ZA KONKURS ZA IZBOR DEKANA FAKULTETA MENADŽMENTA I JAVNE UPRAVE - NE OTVARAJ, OTVARA KOMISIJA“, dostaviti lično ili preporučenom poštom, na adresu: Internacionalni univerzitet u Sarajevu, Fakultet menadžmenta i javne uprave, Hrasnička cesta 15, 71210 Ilidža Sarajevo.

Nepotpune i neblagovremene prijave se neće uzimati u razmatranje.